

salutari Christi seruitio gens tam Christiana se subtrahat. Absit vt quæ pro Domino hactenus onera multa sustinuit, in peculiari bello Dei filii soluat militiæ cingulum, arma relinquat rubigini, animum neget victoriæ, cum corona non desit victoribus per gratiam & meritum in præsentî, per gloriam & præmium in futuro. Hinc est quod Excellentiam tuam affectuose rogamus Serenissime Regum, & a te instanter exposcimus Christianissime Principum, obsecrantes per Patrem & Filium & Spiritum Sanctum, per sanguinem Iesu Christi, vt exurgas in adiutorium Christi tui, qui quodammodo in se prodigus & parcus in seruis, temporali morti se tradidit, vt te a faucibus mortis eriperet sempiternæ. Exurgas & liberes terram Sanctam, illam in qua salutem humani generis operatus est personaliter ipse Saluator; Exurgas ad contritionem nationis prauæ atque peruersæ, quæ vbi sit Deus Christianorum impropere, & multis insultat opprobrijs nomini Christiano. Et quidem illas subditis tuis offensas vleisceris, & Dei tui non vindicabis iniurias tam atroces? Ad hæreditates tuorum manus inuasorum extendi non pateris, & patieris hæreditatis Dominicæ tanto tempore detentores. Ne igitur in Deo periculose dissimules quod iuste non tolerares in homine, pungat cor tuum tui contumelia Creatoris: accendat te Zelus fidei Christianæ, vt sic in forti manu & extento brachio terræ memoratæ subuenias, quod insinuato nobis subuentionis tuæ proposito ante faciem aliorum te fructuose ponamus exemplar, in tuis laudibus gloriantes, tibi que accrescat cumulus meritorum non solum ex ijs quæ feceris per teipsum, sed ex alijs etiam quæ facti tui similitudine subsequantur. Datum Laterani III. Idus April. Pontificatus nostri anno septimo.

220.

1224 d. 11 Jan.

Lateran.

Påfv. HONORIUS III:s befallning till förre Ärke-Bisk. ANDREAS och Bisk. PETER i Roskild att, sedan den till Ärke-Biskop valde PETER SAXESSON blifvit invigd, öfverlemna honom Pallium samt mottaga hans Ed.

F. 1: 67. An. 8. Ep. 172.

*Honorius Episcopus Servus Servorum Dei. Magistro A. Archiepiscopo quondam Lundensi, et P. Episcopo Roskildensi. Salutem &c.*

Dilecto filio Lundensi Electo per dilectos filios Magistrum Alberum, et Andream Presbiterum mittentes palleum quod est officii pontificalis insigne per vos ipsi cum consecratus fuerit tribuendum, Fraternitati vestre per apostolica scripta mandamus quatenus juxta formam, quam sub Bulla nostra dirigimus, illud cum munus consecrationis acceperit tribuatis eidem, et fidelitatis

litatis recipiatis ab ipso Ecclesie Romane nomine juramentum. Porro si quid de alterutro vestrum ante pallei assignationem humanitus forte contingeret, reliquus nichilominus mandatum apostolicum exequatur. Datum Laterani III. Idus Januarij Anno Octavo.

221.

1224 d. 11 Jan.

Lateran.

Påfv. HONORIUS III:s Skrifvelse med öfversändningen af Pallium till PETER SAXESSON, som från Domprost blifvit vald till Ärke-Biskop i Lund.

F. 1: 68. An. 8. Ep. 173.

*Honorius &c. Dilecto Filio . . . Electo Lundensi.*

Cum post petitam instantiam, et demum obtentam Venerabilis Fratris nostri . . quondam Lundensis Archiepiscopi cessionem vota Canonorum Lundensium in te tunc ipsorum Prepositum concorditer convenissent, quia tandem examinato sicut decuit processu electionis tue invenimus eam post publicationem consensuum et collationis tractatum aliquandiu fuisse protractam, assensumque tuum priusquam electus fueris requisitum, electionem eamdem ex ipsius dumtaxat inordinato processu justitia cassavimus exigente. Verum ne gregi Dominico diu deesset cura pastoris cum tam per predictum Predecessorem tuum quam Lundense Capitulum nec non et multorum testimonia intelleximus prelatorum quod oneri et honori Lundensis Ecclesie scientia, etate, ac moribus congruebas te ipsi preficiendum providimus, et ad ejus curam et sollicitudinem assumendum. Postmodum vero dilectis filiis Magistro Albero et Andrea Presbitero prefati Capituli Nuntiis palleum quod est plenitudinis officii pontificalis insigne cum ea que decuit instantia postulantis, nos utilitati prospicientes Ecclesie supradicte, ac specialem persone tue super gratiam facere gratiam cupientes, per eosdem Nuntios ad nomen et usum ipsius Lundensis Ecclesie devotioni tue transmittimus palleum, quo cum consecratus fueris debeas decorari, tibi sub certa forma, quam in aliis litteris nostris exprimimus tribuendum. Porro et si firmiter teneamus, quod in prelatione tibi ejusdem Ecclesie credita te laudabiliter debeas exercere, quia tamen fame tue avidi sumus, et tui zelatores honoris discretionem tuam monemus attente per apostolica tibi scripta mandantes, quatenus sic in bono potestatem tibi vindicare procures, ut in corrigendis subditis plus apud te valeat ratio quam potestas, atque te boni ducem, mali vero pium sentiant correctorem. Datum ut supra.